

Broj : 01- 947 / 11
Dana : 17.10.2011 godine

SKUPŠTINA KANTONA SARAJEVO
predsjedavajuća Skupštine

PREDMET: Poslanička pitanja Crnogorac Branislav, odgovor , d o s t a v l j a s e ;-

Poslanik Crnogorac Branislav je na Šestoj Radnoj sjednici Skupštine Kantona Sarajevo, održanoj dana 14.09.2011 godine, u okviru tačke Dnevnog reda “Poslanička pitanja , inicijative i odgovori”, između ostalog postavio poslanička pitanja ;

Poslaničko pitanje 1 :

„ Kako je moguće da se, niti jednu noć ne može proći dijelom namijenjenim za pješake u ulici Mula Mustafe Bašeskije u općini Stari grad Sarajevo, na potezu od tramvajskog stajališta na Baščaršiji pa sve do ruševne zgrade „Feroelektra”, jer ne samo da su na tom lokalitetu parkirana osobna vozila nego i na dijelu ceste-saobraćajnice predviđene za aktivne učesnike u saobraćaju ? ”.

Poslaničko pitanje 2 :

„Da li postoji evidencija koliki je broj naloga zbog nepropisnog parkiranja uručen prekršiocima za ovaj lokalitet? ”.

Poslaničko pitanje 3 :

„Koje se konkretnе mjere preduzimaju od strane MUP-a Kantona Sarajevo kada su u pitanju učesnici „uličnih trka” u gradu? ”.

Odgovor na poslaničko pitanje 1 :

Kao što vam je poznato Zakonom o izmjenama i dopunama Zakona o osnovama bezbjednosti saobraćaja na putevima u BiH (“Službeni glasnik BiH, broj 48/10), brisana je kazna za postupanje suprotno odredbama člana 73. i 74. ZOOBS-a (nedozvoljeno parkiranje), tako da policijski službenici, prema vozačima koji nepropisno parkiraju svoja vozila, mogu preduzimati zakonom propisane sankcije samo u skladu sa odredbama člana 130. stav 4. ZOOBS-a, tj. za

prekršaj nepostupanja po saobraćajnom znaku, ili preduzeti posebne mjere premještanja vozila koja su parkirana na mjestima na kojima predstavljaju neposrednu opasnost ili naročitu smetnju za nesmetano i bezbjedno odvijanje saobraćaja.

Na osnovu navedenog, a obzirom da Ulica Mula Mustafe Bašeskije u općini Stari grad Sarajevo, na potezu od tramvajskog stajališta na Baščarsiji pa sve do ruševne zgrade „Feroelektra”, nije bila regulisana saobraćajnim znakovima „zabrana zaustavljanja i parkiranja”, PS Stari grad je u prethodnom periodu, s ciljem aktivnijeg angažovanja policijskih službenika po pitanju nepropisnog parkiranja u navedenoj ulici, od nadležnog Ministarstva za saobraćaj Kantona Sarajevo tražila postavljanje adekvatne saobraćajne signalizacije. Kao rezultat usaglašenih mjeru i radnji između predstavnika navedenog Ministarstva i policijskih službenika, dana 08.09.2011. godine, izvršeno je postavljanje potrebne saobraćajne signalizacije u Ulici Mula Mustafe Bašeskije, kao i u više ulica u užem dijelu općine Stari grad Sarajevo.

Odgovor na poslaničko pitanje 2 :

Na osnovu naprijed navedenog, opisanog u uvodnom dijelu odgovora na prvo pitanje, do 08.09.2011. godine, policijski službenici nisu izdavali prekršajne naloge zbog nepropisnog parkiranja na navedenom lokalitetu i u 35 slučajeva preuzele su posebne mjere premještanja specijalnim vozilom „Pauk“, vozila koja su parkirana na mjestima na kojima predstavljaju neposrednu opasnost ili naročitu smetnju za nesmetano i bezbjedno odvijanje saobraćaja, te je upozoren 79 vozača motornih vozila. Od navedenog datuma, pa do 10.10.2011. godine, nakon postavljanja adekvatne saobraćajne signalizacije, policijski službenici PS Stari grad i Jedinice za saobraćaj, na navedenom lokalitetu, zbog nepropisnog parkiranja uručili su nesavjesnim vozačima 237 prekršajnih naloga, specijalnim vozilom „Pauk“, izmješteno je 11 vozila, a 271 vozač je upozoren za nepropisno parkiranje.

Također napominjemo da policijski službenici PS Stari grad, konstantno postupaju po pitanju saobraćaja u mirovanju, odnosno na uklanjanju i sankcionisanju vozača zbog nepropisno parkiranih vozila, kojom prilikom je u periodu za prvih devet mjeseci tekuće godine, po navedenom osnovu izdato ukupno 5229 prekršajnih naloga, upozoren 790 vozača i izvršeno uklanjanje 363 motorna vozila sa specijalnim vozilom „Pauk“, a sve u cilju povećanja ukupne sigurnosne situacije građana općine Stari grad i Kantona u cijelini.

Odgovor na poslaničko pitanje 3 :

Policijski službenici MUP-a Kantona Sarajevo, prema počinjocima prekršaja iz oblasti bezbjednosti saobraćaja, preuzimaju preventivne i represivne mjere u skladu sa pozitivnim zakonskim odredbama. Jedinica za saobraćaj MUP-a Kantona Sarajevo vodi evidenciju za lica

povratnike i višestruke povratnike koja krše odredbe Zakona o osnovama sigurnosti saobraćaja na putevima u BiH, među kojima sigurno ima i lica koja se svrstavaju u kategoriju „uličnih trkača”. Prema tim licima koji su registrovani kao povratnici u činjenju prekršaja, a koja su zatečena u saobraćaju kao počinioци prekršaja, postupa se tako da se ne izdaju prekršajni nalozi, jer bi se u tom slučaju, u skladu sa Zakonom o prekršajima FBiH morala od službenika policije izreći minimalna zakonom predviđena sankcija, te se u takvim slučajevima prema navedenim licima prekršajni postupak pokreće podnošenjem Zahtjeva za pokretanja prekršajnog postupka pred nadležnim sudom, na koji način se od suda zahtijeva izricanje zakonom propisanih maksimalnih novčanih kazni, zaštitnih mjeru i kaznenih bodova. Pored navedenog, policijski službenici MUP-a Kantona Sarajevo, od lica koji su evidentirani kao povratnici u vršenju prekršaja iz oblasti bezbjednosti saobraćaja, uz izdavanje naredbe nadležnog suda o privremenom oduzimanju predmeta – vozila, vrše i privremeno oduzimanje motornih vozila s kojim je počinjen prekršaj, koje se na taj način isključuje iz saobraćaja do okončanja sudskega postupka.

Na osnovu navedenog, tokom 2010. godine, privremeno je oduzeto 12 putničkih motornih vozila i 4 motocikla, od kojeg broja je rješenjem Suda za prekršaje, trajno oduzeto 4 putnička motorna vozila koja će biti prodata u skladu sa Zakonom, a sredstva uplaćena u budžet Kantona Sarajevo. U 2011. godini, naredbom nadležnog suda, od lica povratnika u vršenju prekršaja iz oblasti bezbjednosti saobraćaja privremeno su oduzeta 3 motocikla.

Mjesto okupljanja ove kategorije učesnika u saobraćaju uočena od strane policijskih službenika, ili kao takva prijavljena od strane građana, nadziru se i kontrolišu, kojom prilikom se vrši legitimisanje i eventualno sankcionisanje zatečenih lica, kao i provjera kroz raspoložive evidencije u cilju sprečavanja vršenja prekršaja iz oblasti propisa o bezbjednosti saobraćaja i Zakona o prekršajima protiv javnog reda i mira.#

U cilju osiguranja sigurnog i nesmetanog odvijanja saobraćaja na području Kantona Sarajevo, u narednom periodu nastavit će se sa preduzimanjem pojačanih aktivnosti službenika policije po pitanju kontrole vozača motornih vozila i motocikala, a posebno na kontroli brzine kretanja, upravljanja vozilom bez položenog vozačkog ispita, upravljanja neregistrovanim vozilom, korišćenja zaštitne kacige, te na kontroli vozača motornih vozila i motocikala koji upravljaju vozilom-motociklom na način kojim se umanjuje stabilnost vozila-motocikla i ometaju drugi učesnici u saobraćaju.

S poštovanjem,

MINISTAR

Dr.Sci. Muhamed Budimlić